

Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna

KANTONALNI SUD U NOVOM TRAVNIKU

Broj: 06 0 K 018727 24 K

Novi Travnik: 21.11.2024. godine

U IME FEDERACIJE BOSNE I HERCEGOVINE !

Kantonalni sud u Novom Travniku u vijeću sastavljenom od sudaca: Lazarela Porić, predsjednica vijeća, Edvin Kokić i Mirjana Grubešić, članovi vijeća, uz sudjelovanje zapisničara Vanje Lovrinović, u kaznenom predmetu protiv optuženog M.D. zbog kaznenog djela Teška kaznena djela protiv sigurnosti javnog prometa iz članka 336. stavak 2. u svezi sa člankom 333. stavak 1. Kaznenog zakona Federacije Bosne i Hercegovine, optuženog po optužnici Kantonalnog tužiteljstva Travnik broj T06 0 KT 0033055 23 od 20.11.2023. godine, nakon održanog usmenog i javnog glavnog pretresa okončanog dana 18.11.2024. godine, na kojem su bili nazočni kantonalna tužiteljica Kantonalnog tužiteljstva Travnik Edina Mešić, optuženi M. D. i njegov branitelj Senad Hadžiabdić, advokat iz Bugojna, po obavljenom vijećanju i glasanju u odsutnosti stranaka i branitelja, temeljem odredbi člana 301. stav 3. Zakona o kaznenom postupku Federacije Bosne i Hercegovine donio je, a predsjednica vijeća dana 21.11.2024. godine javno objavila slijedeću

PRESUDU

Optuženi:

M. D. sin E. i majke S. dj. I., rođen godine u Bugojnu., nastanjen u mjestu bb općina ..., JMBG: ..., po nacionalnosti Bošnjak, državljanin BiH, pismen, završena osnovna škola, po zanimanju građevinski radnik, zaposlen u R Hrvatskoj, oženjen, vojsku nije služio, ne vodi se u vojnoj evidenciji, nema čin rezervnog vojnog starješine srednjeg imovnog stanja, neosuđivan.

KRIV JE

što je:

Dana 22.01.2023.godine oko 22.40 sati, nakon što se doveo u alkoholizirano stanje sa koncentracijom alkohola u krvi od 1,89 promila, postupio protivno odredbama člana 174 stav 1 člana 39. stav 1. i 2. Zakona o osnovama sigurnosti prometa na cestama u BiH, vozilom marke „Golf III“ hrvatskih reg. oznaka ..., uključio se u javni promet na magistralnu cestu M 16,007 iz pravca Bugojna u pravcu Donjeg Vakufa, sa saputnikom u vozilu oštećenim J. S., iako je bio očigledno nesposoban za sigurnu vožnju i nije

mogao održavati vozilo na desnoj kolovoznoj traci u pravcu svog kretanja već je prolazeći u naselju Čaušlije, općina Bugojno, u blizini svadbenog salona „O“ vozio lijevom kolovoznom trakom, svjestan da time može izazvati opasnost za učesnike u saobraćaju i pristajući na to, pa kada je oštećeni D. N. upravljajući vozilom marke BMW tip 346 L reg. oznaka ... vlasništvo oštećenog B. H., iz pravca Donjeg Vakufa uočio da se iz suprotnog pravca njegovom kolovoznom trakom kreće vozilo, s ciljem da izbjegne udar s tim vozilom pomjerio je svoje vozilo BMW na lijevu kolovoznu traku, u kojem trenutku je on sa svojim vozilom Golf se pri brzini od 40 km/h vratio na svoju desnu kolovoznu traku i prednjim dijelom svog vozila ostvario kontakt sa prednjim dijelom vozila BMW, uslijed čega je saputnik u njegovom vozilu oštećeni J. S., koji je prilikom rotiranja vozila Golf ispao iz vozila i pri tome zadobio teške tjelesne povrede opasne po život u vidu unutrašnjeg iskrvavljenja koje je posljedica jakog, naglog i obimnog izliva krvi u grudne duplje, prevashodno lijevu, a iz nastalog rascjepa prednje stjenke desne pretkomore srca kao i iz raskinutih međurebarnih arterija u nivou obostranih, pretežno desnih serijskih preloma rebara, od kojih povreda je na licu mjesta umro, a putnici u vozilu BMW zadobili povrede i to: oštećena M. E. teške po život opasne tjelesne povrede u vidu razdermo nagnječna rana desne strane čela na vanjskom rubu orbite, utisnuti prelom desno čeonog krova lobanje uključujući i desni čeonni sinus prednju lobanjsku jamu desno uz manji izliv krvi iznad tvrde ovojnice, izliv krvi ispod tvrde ovojnice širine do oko 6 mm, lijevo čeono-slijepočno-tjemeno sa diskretnom kompresijom na lijevu bočnu moždanu komoru, uz nagnječenje kore mozga lijevo slijepočno-tjemeno (contre-coupe) oštećeni D. N. tešku tjelesnu povredu u vidu preloma desne butne kosti, oštećeni T. A. teške tjelesne povrede u vidu: višedjelnog preloma desne butne kosti sa pomjerenjem ulomaka, višekomadni otvoreni prelom donjeg dijela desne potkoljenice sa pomjerenjem ulomaka, sitne oguljotine kože desne šake i nagnječenje-kontuzija- „uboj“ desnog bubrega sa pojavom krvi u mokraći.

Čime je počinio kazneno djelo Teška kaznena djela protiv sigurnosti javnog prometa iz člana 336. stav 2. u vezi sa članom 333. stav 1. Kaznenog zakona Federacije Bosne i Hercegovine.

pa ga sud temeljem istog članka i uz primjenu članka 42., 43., čl. 49. st.1., Kaznenog zakona Federacije Bosne i Hercegovine, te članka 300. Zakona o kaznenom postupku Federacije Bosne i Hercegovine

OSUĐUJE

Na kaznu zatvora u trajanju od 3 (tri) godine i 6 (šest) mjeseci

Na temelju članka 77. st. 1., 2. i 3. Kaznenog zakona Federacije Bosne i Hercegovine optuženiku se izriče sigurnosna mjera zabrane upravljanja prijevoznim sredstvom „B“

kategorije u trajanju od 1 (jedne) godine počev od dana pravomoćnosti presude, u koje vrijeme se neće uračunati vrijeme izvršenja izrečene kazne zatvora.

Na temelju članka 202. st. 1. Zakona o kaznenom postupku Federacije Bosne i Hercegovine, troškove kaznenog postupka snosi optuženik, s tim da se ovom presudom obvezuje na naknadu nastalih troškova u iznosu od 2.556,64 KM, te na naknadu paušala ovom Sudu u iznosu od 150,00 KM, dok će visina preostalih troškova kaznenog postupka naknadno biti utvrđena posebnim rješenjem predsjednice raspravnog vijeća, sve u roku 15 dana po pravomoćnosti Presude.

Temeljem odredbe čl. 212. stav 3. Zakona o kaznenom postupku Federacije Bosne i Hercegovine oštećeni M. J., E. J., N. D. i A. T., se radi ostvarivanja imovinsko-pravnog zahtjeva u cijelosti upućuju na parnični postupak.

Zapisničar
Vanja Lovrinović

Predsjednica vijeća

Lazarela Porić